



**R.P. Leonardii Lessii E Societate Iesv Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censbris.
Prælectiones Theologicæ Posthvmæ**

Lessius, Leonardus

Lovanii, 1645

Dvb. 10. Vtrum hoc sacrificium habeat effectum aliquo modo infinitum.

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

As p̄ficit Ecclesia facere, vt altere proficiat ex opere operato, quam ei lacerdos intedit applicare. **tia!** Orationes enim potuit Ecclesia praescibere pro certis rebus, & personis; quas si Sacerdos vt Ecclesia minister recitet, modò nos sit præcibus, habebunt virtus imprendandi, etiam si ipse id non intendat. Ratio est; q̄tia Deus respicit in illis, non Sacerdotis deuotionem & intentionem, sed Ecclesiæ, cuius personam gerit dum orat: ergo cùm tanquam minister Ecclesiæ orat pro certis personis, illis proderit per modum imprecatiōnis. Sed sacrificium immediate pendet ex institutione diuinâ, sicut & Sacramenta. Vnde, sicut Sacramenta vim habent in eō, cui per ministrum applicantur, quidquid Ecclesia prohibeat, eō quod ipse operetur potestate à Christo accepta: ita sacrificium vim habet ex opere operato in illis duntakat, quibus per proximum ministrum applicatur, qui personam Christi gerit.

Nec refert, quod h̄c applicatio sit contra obedientiam, vel etiam contra iustitiam. Etsi enim Deus non acceptet illam in meritum, seu ut est actio priuata persona: acceptat tamen quatenus est actio ministri persona ipsius gerentis; sic enim eadem est applicatio, & intentio Christi & ministri. Confirmatur: Quia h̄æ potestas applicandi conuenit Sacerdoti ex vi characteris; ut patet ex verbis fortioribus, Accipe potestatem offerendi sacrificium pro viuis & defunctis in nomine Domini: ergo non potest per Ecclesiam auferri, impediti, aut limitari: ut patet in simili de potestate applicandi alia sacramenta.

Pro quibus His addit, re ipsa nullum extare præceptum,
teneatur quo sacerdos obligetur huic vel illi, vel etiam
sacerdos toti Ecclesia applicare sacrificium. Solùm obli-
orate orare pro vniuersali Ecclesia, pro Papa,
orate Antistite, Rege, adstantibus, orthodoxis omni-
bus in genere, denique pro defunctis: & vt sum-
mum, non obligatur pro his offerre sacrificium,
nisi vt habet vim per modū imprecatiōnis. Vnde
potest illud applicare alteri, quatenus habet vim
ex opere operato.

Dices, Ergo si sacerdos obliuiscatur applicare alicui sacrificium, nullus inde proueniens fructus ex opere operato.

opere operato. Respondeo, Quidam dicunt, posse postea applicari. Sed hoc parum est credibile: Quia, sicut Sacramentum consistens in actione, solum potest applicari, dum fit a ministro; tunc enim, non alias est in eius potestate: ita etiam sacrificium tantum potest applicari, dum fit; tunc enim tantummodo est in potestate ministri. Confirmatur; Quia effectus, qui datur ex opere operato, non potest suspender arbitrio ministri, sed statim datur causam politam. Vnde alteri dicendum: Quando alteri non applicat, censetur implicite applicare sibi; & sic fructum ex opere operato habet sacrificium in sacerdote. Dices; Quid si non cupiat sibi applicare, vel si non habeat debitum peccata temporalis? Respondeo, Tunc non habebit effectum ex opere operato, scilicet remissionis peccatarum; sicuti effectum eum non habet cum Sacerdos illum applicat ei qui non est capax. Manet autem tunc satisfactione illa, quam sacrificium debebat conferre, in immenso thesauro satisfactionum Christi, nec quidquam tunc inde deponitur satisfactionis. Non tamen illi thesauro tunc aliquid noui accedit, vt Soto insinuat; sed antiqua satisfactio non applicatur. Sicut etiam, cum Sacramenti vis irrita redditur per indispositionem recipientis, nihil

noui accedit thesauro, sed vetus meritum Christi non applicatur efficaciter, & cum effectu: quamuis nonnulla sit differentia.

Altera Pars, scilicet posse sacrificium prodeesse per modum impetracionis sine applicatione Sacerdotis, patet ex dictis : nam iunguntur illi orationes Ecclesiae pro varijs rebus & personis, qua per hoc sacrificium sunt exaudibilis apud Deum.

D V B I V M X

Virum hoc sacrificium habeat effectum aliquo modo infinitum?

O Missis opinionibus Doctorum, quos recente-
set Petrus Nauarra. lib. 2. de Restitutione
circa num. 360.

Dico Primo, Hoc sacrificium secundum se est infinitae dignitatis in genere sacrificij, sic ut prestantius cogitari non possit: ac proinde per se est infiniti valoris ad impetrandum. Est communis Doctrorum. Vide D. Thbm. suprà q. 79. art. 5. & ibidem Caetanum.

Prior Pars Probatur; Quia res oblata est infinite dignitatis, cum totus Christus offeratur; & etiam primarius offenser, qui etiam est ipse Christus: ergo ipse actus sacrificandi censetur infinitate dignitatis. Probatur consequentia; quia ex his duobus dignitas sacrificij pensatur.

Dices, Proximus offerens est Sacerdos, qui est
finitus dignitatis.

Respondeo; Hoc non refert. Nam Sacerdos nō offert hoc sacrificium, vt homo priuatus, sed ve- gerens personam Christi; atque adeo quatenus ipse mysticē seu repräsentatiue est Christus. Cu- is signum est, tum quia loquitur vt Christus, *Hoc est Corpus meum*: tum quia, si Christus est in sta- tu merendi, & satisfaciendi, & ita offerret per mi- nistrum, sicut modō offert, infinitē mereretur, & satisfaceret, perinde ac si per seipsum offerret: Si- cut tantundem meretur Dominus & satisfacit per famulum conferens eleēmosynam, & per le- gatum exhibens honorem & obedientiam, quantu- m si per seipsum. Itaque sacrificiū hoc à Chri- sto suam habet estimationem, non minus quam illud, quod ipse Christus in cena obulit: hoc enim est illi par in ratione sacrificij, & in digni- tate impetrandi. Quod confirmatur; Quia ipsa transubstantiatio fit virtute Christi, quatenus ex vi institutionis, virtus diuina Christi ad hoc est applicata usque ad finem seculi; & etiam quatenus actu voluntas Christi ad singula sacrificia cō- currat; vt cui omnia sint praesentia, eaque Patri actu offert: sicuti si Rex per legatum exhibens ho- norem Pontifici, posset ipsem eti præsens, & Pontifici in legato honorem deferre.

Vnde Pater; Triplici ratione Christum dici
Principalem offerentem: Primo, Quia Sacerdos of-
fert hoc sacrificium, vt repräsentat personam
Christi, seu ut ipsi est mystice Christus: sicuti
legatus Regis defert honorem Pontifici, vt re-
präsentat suum Principem: & Angelus dominus
legem, vt representans Deum: ut patet Auctorū 7.

legem, ut representans Deum; ut patet Acto 7.
Secundum, Quatenus ipse vim tribuit verbis
sacerdotis, & sua virtute divina concurrit, idque
ex vi primae institutionis, seu illius voluntatis,
qua primò instituit hoc sacrificium: ut colligatur
ex Chrysostomo Hom. De preditione Iudei circa
medium

medium. Et hi duo modi in rigore sufficiunt, ut Christus dicatur principaliter offerens.

Tertio, Quatenus actu concurrit per intellectum, & voluntatem humanam ad singula sacrificia suorum ministrorum, ijs praesidens, & superintendens, tanquam summus Sacerdos, & actu interno ea offerens Patri in memoriam sue Passionis.

Probatur hic modus: Quia sic magis propriè dicitur offerre; & alijs hic modus est illi facillimus, cum hos sacrificium non minus sit ipsi praefens quoad mentem seu intellectum, quam si ipse esset in Altari; ergo non videtur dubitandum, quin sic offerat. Confirmatur Primo, A simili: Quia, si Rex, dum per Legatum desert honoré Pontifici, posset eis mente praefens Legato & Pontifici, per etiam concurreceret, saltem mente & voluntate illum honorem deferendo; hic enim modus honorandi est perfectior: ergo, cum Christus possit actu concurrere, reuerat facit. Confirmatur Secundo, Quia Christus est Sacerdos in eternum, id est, usque ad finem saeculi: ergo decet, ut ipse etiam actu cooperetur ad sacrificium. Pater consequentia; quia munus sacerdotij esset in ipso otiosum, solumque extrinseca denominatione diceretur offerens. Dices, Non esse conueniens, ut per se concurrat. Contrà: Quia Christus secundum naturam humanam manet diuinitate inferior; unde oportet ut eam colat actu latræ: cur non etiam actu sacrificij, qui est perfectissimum actus latræ? præsertim, cum opus materiale sacrificij non debeat ab ipso fieri, sed possit fieri per ministerium, ipso duntaxat spiritualiter cooperante. Confirmatur Tertiò, Quia id quoque insinuant Patres: Chrysostomus homil. 60. ad Populum: Non sunt humana virtutis opera proposita: qui tunc ipsa fecit in illa carne, idem nunc quoque ea facit: nos ministrorum tenemus locum: qui vere sanctificat ea, & immutat, ipse est. Et infra: Cum videris Sacerdotem offerentem, ne Sacerdotem esse putas hoc facientem, sed Christi manum inuisibiliter extensem. D. August. Tract. 5. in Ioannem fuscum docet Christum in omni baptismo baptizare: idem ergo, & potiori iure dicendum est de hoc sacrificio. Vide etiam Cyprianus epist. 63. & Concilium Trident. sess. 22. cap. 2.

⁵⁷ Hoc lacuum nullum effectum infinitum impetrat. Dico Secundò; Reipsa tamen non potest aliquem effectum infinitum impetrare. Probatur Primo; quia talis effectus est impossibilis inter dona creata. Secundò; quia impetratio non solum pendet ex dignitate oblationis, sed etiam ex intentione oblationeque offerentis, & ordinatione Dei concedentis: atqui offerens non potest prudenter petere fructum infinitum: Deus quoque non statuit concedere, nisi intra mensuram ab ipso definitam. Vnde etiam Christi operationes, et si essent infinitæ meritoriae, tamen reipsa nullum effectum infinitum meruerunt. Tertiò; quia sacrificium non est reipsa impetratorum, nisi quantum annexum est orationi, seu petitioni, saltem internæ; ut suprà dictum est: atqui non quævis oratio valet ad quidius impetrandum, sed debet aliquo modo esse proportionata rei, quæ petitur: maiori enim conatu, feroce, & constantia petenda est res magna, quam parua; difficilis, quam facilis; ut recte Scotus Quodlib. 20. & Gabriel lectio 27. idque propterea: nam aliqui reddere mus leges, & tempi, & parui diuina dona astimaremus, si tam facilis esset impetratio: ergo, cum oratio non sit semper cuius bono obtinendo pro-

portionata, non potest semper reipsa impetrare, etiam si sacrificio sit comitata.

Dico Tertiò, Sacrificium hoc oblatum pro multis à ministro, reipsa non confert tantum singulari, neque per modum imperationis, neque ex opere operato; quantum si pro uno tantum oblatum esset.

Prior Pars Probatur: Quia etsi in se sit infinita dignitatis, tamen non applicatur nisi mediante oratione: atqui una oratio, quæ applicatur multis, non est ita idonea, & proportionata multis beneficijs impetrandi, atque vni vel paucis. Vnde, si etsi pro una re ardua, verbi gratia, pro impetranda coetus fons magni peccatoris, ordinariè oportet plures orationes fundere, & plura sacrificia offerre, quam pro conuersione mediocris, iuxta illud 1. Ioannis 5. Est peccatum ad mortem, non pro illo dico re reget quis, &c. ita pro beneficio aliquo multis impetrando, oportet ordinariè plures orationes & sacrificia offerre, quam si paucis, vel vni sit impetrandum: nam longè maius est tale beneficium conferri multis, quam paucis, ut rectè Gabriel lexit. 27. Vnde quod quidam dicunt, hoc sacrificium oblatum pro multis speciatim, tantum valere singulis ad impetrandum, quantum si pro singulis duntaxat oblatum fuisset; non videatur verum, nisi pro multis multiplicentur etiam affectus orantibus & orationes. Quod si affectus quoque, & saltem interne petitiones multiplicentur, sic omnino verum est. Et ita intelligi possunt isti Doctores. Vnde multitudine eorum, pro quibus oratur in Memento, non diminuit quidquam in singulis effectum impetracionis; quia multiplicantur affectus, & petitiones offerentis.

Altera Pars, Quod etiam ex opere operato non valeat tantum multis, quam paucis: est ferè communis sententia Doctorum, ut inquit Gabriel.

Probatur Primo, Quia alioqui Sacerdos infinitè faceret, si aliquibus in particuli hoc sacrificium applicaret: Semper enim offerendum esset pro omnibus iustis, cum non minus profuturum sit unicuique, quam si pro eo solo oblatum fuisset: atqui hoc est contra vium in Ecclesia receptum.

Secundò, Quia alioqui Sacerdos pro uno sacrificio posset centum stipendia (sustentationis, non estimationis rei) accipere, & centum oblationibus contractis cum diuersis, uno sacrificio satisfacere.

Hinc sequitur, Sacerdotem non posse propter unum sacrificium accipere, nisi unum stipendum sustentationis: nam alioqui iniuriam faciet ei, cum quo prius conuenit: hic enim, saltem implícite, cupit totum fructum sacrificij, præsertim eum qui est ex opere operato, sibi applicari.

Aduerte tamen, Si hoc stipendium sit valde parvum & insufficiens ad viustum diurnum, posse secundum, & fortè etiam tertium accipi. Ita Dominicus Soto dist. 13. quæst. 2. art. 1. & Melchior Canus lib. 12. De locis cap. 13. & quidam alij Doctores eiusdem ordinis: quorum sententia, saltem sic limitata, fatis est probabilis.

Potes, Vtrum, si illi, pro quibus offert, sint sit inæquales in gratia, vel actuali deuotione, singuli lis fructus recipiant effectum, præsertim remissionis peccatorum, secundum mensuram dispositionis sua, sicut in Sacramentis contingit?

⁵⁸ Oblatur
pro multis
non tantum
dat singu-
lis, quam si
si pro uno
tantum
oblatum.

⁵⁹ Non licet
nisi unum
stipendium
proper
vnum sa-
crificium
accipere.

⁶⁰ An, si pro
pluribus
applicetur
etiam in eis
extra in-
qualem co-
rum dispo-
sitionem.

PPP Respondeo

Respondeo: Ita videtur sentire D. Thomas q. 79. art. 5. Petrus Nauarra, & quidam alij. Sed contrarium videtur verius: quod tenet Durandus d. 45. q. 3. & colligitur ex D. Thoma eadem dist. q. 2. art. 4. vbi dicit, suffragium, quod prodest ex applicatione alterius, pendere ex intentione applicantis. Ratio est: Quia effectus sacrificij, qui datut alteri, pro quo fit oblatio, totus pender ex intentione Sacerdotis applicantis: gratia autem, qua in ipso requiritur cui applicatur sacrificium, solùm requiritur ut dispositio tollens impedimentum. Secùs est de effectibus Sacramentorum: quia non pendent ex intentione ministri, sed ex ipsa substantia Sacramenti, qua veluti naturaliter operatur iuxta dispositionem suscipiens. Confirmatur: Quia satisfactio propria applicata alteri, non prodest ei plus vel minus iuxta cius dispositionem, sed iuxta voluntatem applicantis: ergo similiter hic. Ratio à priori est, Quia hic fructus sacrificij non conferunt per modum naturalis efficientie sicut ignis calcificat; neque mediante actione recipientis, sicut Sacraenta effectu conferunt: sed per modum donationis moralis, qua tota pender, & secundum suam substantiam, & quantitatem, ab intentione donantis.

61
Oblatum
pro multis
simul offe-
rentibus,
tantū pro-
dest singu-
lis, quantū
si pro uno
solo,

Dico Quartò, Si multi offerentes cooperentur Sacerdoti ad huius sacrificij oblationem, singulis, quatenus offerentes sunt, tantum prodest ex opero operato, & per modum impetrationis, quantum si soli cum Sacerdoti obtulissent. Hoc modo potest fructus huius sacrificij dici infinitus extensus, non actu, sed potentia; quatenus plures, & plures in infinitu possunt suo modo actu concurrens, & fructum percipere. Est communis sententia Doctorum. Et ita forte intelligendum est Catechatus qu. 79. art. 5. & tom. 2. Opusculo 3. qu. 2. & alij eiusdem ordinis, qui docent hoc sacrificium oblatum pro multis, prodest singulis secundum ipsum deuotionem.

Probatur Primò, Quia aliqui longè satius esset audire Missam priuatā, id est, cui pauci interfunt, quam publicā, cui multi. Secundò, Quando plures sunt offerentes, plures quoque sunt actiones, quibus cooperantur ad sacrificandū; qua actions sunt veluti diuersæ applications, quibus ipsum sacrificium singulis applicatur, & singuli ipsius sunt participes: ergo ex parte applicationis huius non minuitur fructus: nam singulis tam perfectè applicatur, quam si soli essent. Neque etiam minuitur ex parte sacrificij; aut rei oblatæ; quia utrumque infinite dignitatis est: ergo cum sit eadem dispositio in singulis, (vt supponimus) quando multi sunt & quando pauci, eundem effectū singulis confer quando multi sunt, quem contulissent si pauci fuissent. Confirmatur à simili: Si eadem hostia à pluribus sumi posset, tantum cōferret singulis, quantum si singuli soli fuissent: nam integrè, & independenter à ceteris, singulis esset applicata: ergo idem sacrificium, per diuersos actus offerentium applicatum, ipsis offerentibus tantum conferret, quantum si soli essent.

62
Omnia
sacrificiorū
perfectio-
nē emon-
ter conti-
nent.

Ex dictis constat, Hoc sacrificium habere in se eminenter omnem perfectionem sacrificij, esseque non solùm Honorarium, seu Latreuticum, quod Holocastum dicitur, sed etiam Propitiatorium, quod vocatur *Sacrificium pro peccato*, & Eucharisticum, & Imperatorium; quorum utrumque dicitur *Hostia pacifica*. Et hoc sensu docent Patres, Omnes differentias,

seu species hostiarum veterum una Eucharistiz oblatione contineri. De quo vide Augustinum lib. 1. contra Aduersarium Legis & Prophetarū c. 20. & l. 17. de Ciuit. cap. 20. Chrysostomum in Psalm. 99. & Leonem serm. 7. de Paſtore.

In ARTIC. II. & Reliquos.

De requisitis ad Sacrificium Missæ.

N Otandum est, In hoc sacrificio, ut ab Ecclesia celebratur, multa requiri: quæ ad octo genera Necesaria reuocari possunt. 1. Sacerdos. 2. Ministrans. 3. Materia. 4. Tempus. 5. Locus. 6. Vester & Vals sacra, celebrandi. 7. Verba præscripta & leges. 8. Variæ ceremonię.

DE SACERDOTE.

Dico Primo, Sacerdos debet esse sine conscientia peccati mortiferi, vel certe, si conscientiam talis Sacerdos peccati habeat, debet premittere confessionem, si in gratia commode potest; iuxta suprà dicta q. 80. art. 4.

Dico Secundo, Requiritur etiam, ut non sit aliqua censura implicatus; scilicet Excommunicatio maiore vel minore, Suspensione à diuinis, Absolucione Irregularitate, vel Interdicto; quamvis haec censura etiā occulta.

Notandum tamen: Ad vitandum scandalū, vel infiamam, si prudenter ea timeretur ex omissione Sacri, posse talem celebrare, modò interim dolens de peccato, & proponat prima opportunitate petere absolutionem. Ita multi recentiores, & inter ceteros Ludovicus Lopes 2. p. pag. 580. vbi citat Siluestrū, Alphon. à Castro, Nauar. & Cordubā. Ratio est: Quia sicut iugum Domini suave est, ita quoque mandata Ecclesie: unde nō censor Ecclesia velle hominem obligare cum gravi iactura famæ, vel rerum suarum ad censuram obseruationem: multoque minus, quando inde sequeretur scandalum, quod iure naturæ vitare tenetur. Sufficit ergo, ut tunc, faciat quod in se est ad dignitatem celebrandum.

Dico Tertiò, Requiritur etiam, ut sit iejunus. 64
Débet autem hoc iejunium esse perfectissimum, ita vt homo nihil à media nocte, id est, post horam duodecimam, per modum cibi, potū, aut medicinae sumpserit; vt docent omnes Doctores cum D. Thoma suprà qu. 80. art. 8.

Dico Quartò, Si contingat Sacerdotem in altari deficere ante consecrationem, nihil amplius necesse est ab alio suppleri. Si tamē adsit alius Sacerdos iejunus, qui velit, prosequi, potest. Si post consecrationem, quamvis vnius tantum speciei, debet sacrificium ab aliquo alio compleri, quamvis hic iejunus nō sit, si alius haberit nequit; id est, incipiendo vbi prior desierat. Ratio est: Quia maius est præceptu integratitatis sacrificij, quæ ne fiat à nō iejuno. Quā ab caussam etiā sine confessione premissa id fieri potest, si copia confessoris nō datur.

DE MINISTRANTE.

Dico Primo, In missis priuatis sufficit habere vnicum ministrantem, qui vicem populi gerat. Est communis sententia Doctorum: & patet ex consuetudine Ecclesie. Illa autem verba Canonis: *Memento omnium circumstantium*, intelligenda conditionat, si qui adfint.

Dico Secundò, Ministrans non potest esse feminina. Est communis sententia Doctorum, ex Cap. Inhibendum de Cohabitatione Clericorum. Prohibendum quoque est, ut nulla femina ad Altare presumat accedere, aut Presbytero ministrare, aut intra cancellos pate